

## Салла билан ўқилган намознинг савоби



18:04 / 11.12.2024 3499

يَلْعَنُ مَلَسَ وَهِيَ لَعْنَةُ لَلِ الْيَصِّ بِنِ الْاُتِيَّ اَر: لَاقُ هُنَّ لَلِ الْيَضَّرْتِي حُنَّ ب وَرَمَعْنُ  
اَلْاَسْمُ لَلِ هَاوَرِ هِيَ فَتَكَنْ نَبِ اَهَ فَرَطِ يَحْرَأُ دَقُّ اَدَوْسُ هَمَامِعِ هِيَ لَعْنُ وَرَبُّ نَمُّ لَلِ  
يِرَاخُ بَلِ

Амр ибн Ҳурайс розияллоху анҳудан ривоят қилинади:

**«Набий соллаллоху алайҳи васалламнинг минбарда турганларини кўрдим. Бошларида қора салла, унинг пешини кифтлари орасига тушириб олган эдилар».**

*Бешовларидан фақат Бухорий ривоят қилмаган.*

**Шарҳ:** Аввало ҳадиснинг ровийси Амр ибн Ҳурайс розияллоху анҳу билан яқиндан танишиб олайлик:

Амр ибн Ҳурайс ибн Амр ибн Усмон Маҳзумий ал-Қураший (620–704 милодий саналар), кунялари Абу Саид ҳижратдан 2 йил олдин таваллуд топдилар.

Бадр йилида оналари Расулуллоҳ соллаллоҳу алайҳи васалламнинг ҳузурларига олиб келганларида Расулуллоҳ соллаллоҳу алайҳи васаллам унинг бошини силаб, барака тилаб, дуо қилдилар. Ҳақиқатдан ҳам у киши ҳаётларида кўп молларни қўлга киритдилар, Куфа аҳлининг бойларидан бири бўлдилар.

Бу зот Қодисия жангида иштирок этдилар. Куфадаги Бани Умайя қабиласининг бошлиқларидан эдилар.

Расулуллоҳдан 18та ҳадисни Абу Бакр, Умар, Али, Ибн Масъуд ва бошқалардан ривоят қилдилар. Бу кишидан ўғиллари Жаъфар ва Куфа аҳлидан бўлган кишилар ривоят қилганлар. Амр ибн Ҳурайс тўплаган ҳадислардан баъзиларини уч «Саҳиҳ» соҳиблари ўз китобларига киритганлар.

Бу зот ҳижратнинг 85-йили Куфада вафот этдилар.

Ҳадисда Набий соллаллоҳу алайҳи васаллам салла ўраб, унинг бир учини орқаларига ташлаб юришлари баён қилинмоқда.

Салланинг қора рангда бўлиши эса шарт эмас. Амр ибн Ҳурайс розияллоҳу анҳу кўрганларида Набий соллаллоҳу алайҳи васаллам иттифоқо шундай рангда салла ўраган эканлар. Бошқа ранглардаги саллалар ҳам бўлади. Оқ ранг афзал эканлиги ҳақида ривоятлар ҳам бор.

لَدَسِّمَتْعَا إِذِمْ لَسَوَّوْهَيْلَعُ هَلَلَا لَّيْصِيْ بَّنَلَا نَاكْ : لَاقُ هُنَّعُ هَلَلَا لَّيْضَرَّرْمُعُنْ بَّنَلَا نَعُ  
هُ أَوْرَهَيْفَتَكَ نَنْبِيْ بُهْتَمَامُعُ لَدَسِّي رْمُعُنْ بَّنَلَا نَاكْ وَ : عَفَانْ لَاقُ هَيْفَتَكَ نَنْبِيْ بُهْتَمَامُعُ  
يْ ذِمَّرْتَلَا

Ибн Умар розияллоҳу анҳудан ривоят қилинади:

**«Набий соллаллоҳу алайҳи васаллам салла ўрасалар, пешини кифтлари орасидан тушириб олар эдилар».**

**Нофеъ айтади:**

**«Ибн Умар ҳам салласининг Пешини кифтлари орасига тушириб юрар эди».**

*Термизий ривоят қилган.*

**Шарҳ:** Бу ҳадис ҳам олдингисини тасдиқлайди ва ҳамда умматнинг бу ишда Набий соллаллоҳу алайҳи васалламга иқтидо қилиши кераклигини таъкидлайди.

عَمَّامِعَبِنَاتَعُكَرَبَلِاقَمَسَوَهَيَعُجَلَلِالْصَّيْبَنَّالْعَنْ، عُنَّعُجَلَلِالْيَضْرَبِاجَنْع  
يَمَلُّدِلْهَأَوْرَمَّامِعَالْبَّعَّكَرَنِغَبَسْنَمُزِيخ

Жобир розияллоҳу анҳудан ривоят қилинади:

**«Набий соллаллоҳу алайҳи васаллам:**

**«Салла билан ўқилган икки ракъат намоз салласиз ўқилган етмиш ракъат намоздан яхшидир», дедилар».**

*Дайлабий ривоят қилган.*

**Шарҳ:** Демак, салла намознинг савоби етмиш баробар кўпайишига сабаб бўлади. Салла ўраш Набий соллаллоҳу алайҳи васалламнинг суннатларидир. Ҳатто Жаброил алайҳиссалом ҳам Набий соллаллоҳу алайҳи васалламнинг ҳузурларига салла ўраб тушганликлари ҳақида ривоятлар бор.

**«Ҳадис ва ҳаёт» китобининг 4-жузи асосида тайёрланди.**